



25. februar 2010

Inatsisartut suleriaasianni § 36, immikkoortoq 1 naapertorlugu matumuuna imaattumik Naalackersuisunut apeqquteqarpugut:

Apeqqut: Qaqortumi qulimiguulinnut mittarfiup inoqarfiunnginnerusumut nuunneqarnissaa Naalackersuisunit sulissutigineqarusuppa?

(Inatsisartuni ilaasortat Finn Karlsen, Siverth K. Heilmann, Knud Kristiansen, ATASSUT)

Tunnngavilersuut:

Ilisimaneqartutut Kommuni Kujallermi silaannakkut angallanneq pillugu isumaqatigiissuteqartoqarpoq suluusalinnut mittarfiit allanngortinneqarnissaat pillugu apeqqut ukiuni qulini qaqqinneqaqqissanngikkallartoq.

Tamanna ATASSUT-mit ataqqillugulu iluarisimaarparput, taamaattorli kujataani angalanitsinni paasivarput Qaqortumi innuttaasut akornanni annikigisassaanngitsumik ajornartorsiutigineqartoq mittarfiup illut angerlarsimaffiit akornanni inissisimanera.

Ullut tamaasa mittarfik atorneqartarmat innuttaasut, pingaartumik mittarfiup qanittuani angerlarsimaffeqartut mingutsitsinermik, nipiliorfigitinnermik aammalu angerlarsimaffiit sajuppilutsitaaneriniq atugaqartitaanerit piaartumik aaqqiivigineqartariaqartoq ATASSUT-mit isumaqaratta matumuuna Naalackersuisunut apeqqutigaarput Qaqortumi qulimiguulinnut mittarfiup inoqarfiunnginnerusumut nuunneqarnissaa Naalackersuisunit sulissutigineqarusunnersoq.

Inussiarnersumik inuulluaqqusilluta

ATASSUT sinnerlugu Inatsisartuni ilaasortat